

| Jessi Ras di SVT:

Interes pa Formacion Social ta sigui crece cu cada grupo

FORMACION Social of Sociaal Vormingstraject ta un programa introduci door di Gabinete Mike Eman I y cu su popularidad ta crece bou di e grupo di hoben na cual e ta dirigi, esta esnan cu pa circunstancianan di bida no a finalisa nan scol y no ta logra haya trabou pa e motibo ey. Jessie Ras, coordinador di e programa, ta sinti cu e programa aki a pone su fundeshi caba y e ta wordo reconoci door di hobennan como un forma pa mehora nan perspectivanan pa futuro.

E ley di Formacion Social, of Sociaal Vormingstraject, a wordo unanimamente acepta den Parlamento di Aruba na luna di october 2011. Inmediatamente a bay over na recluta e hobennan entre 18 pa 24 aña cu no ta bayendo scol y no tin un diploma pa forma parti di e prome grupo pa cuminsa cu e proyecto social aki. Gobierno tabata masha preocupa cu na Aruba tin un grupo grandi di hoben cu no tin trabou, no a caba un scol secundario y cu dor di esaki tin un

perspectiva pover di trabou, coriendo e riesgo di cay den e caminda robes cu tur su consecuncianan negativo. Algo mester a wordo haci y algo a wordo haci. Dos biaha pa aña un grupo ta cuminsa e programa aki, cu excepcion di e prome aña, y na augustus ultimo Grupo 4 tabatin nan graduacion mientras cu tin dos grupo den formacion ainda y ta preparando denter di algun luna cum-

insa cu Grupo 7. "Tin un interes grandi. Nos ta trahando riba Grupo 7 caba, cu ta cuminsa na januari. Nos ta scucha hopi mayor y familiarnan ta combersa riba e programa. Tin hobennan cu no a logra drenta Grupo 6 cu lo wordo hinca den esun cu ta cuminsa otro aña." Ras a splica cu a haci un adaptacion mirando capacidad di e hobennan pa mira riba kico ta concentra mas riba dje,

esta e parti teoretico of practica. E parti di educacion ta pone hopi enfasis riba idioma, computer, pero tambe training den aspectonan social y actitud, ta haya curso di Teen Challenge, pero tambe discurso di Famia Planea, FADA, etc. Ta evaluando ki otro ofishi mas por wordo hinca den e parti educativo, esaki lo ta basa riba e interes expresa door di e hobennan, Ras a duna di conoce.

